




ՈՒՍԱՌՈՐԻՉ



ԿԵՂԵՑԻՆ ՏԱՆ ՄԷՋ



Գ. ՏԱՐԻ, ԹԻՎ 9, Օգոստոս 2020

ԳԱՆԱՏԱՅԻ ՀԱՅՈՑ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ ԿՐՕՆԱԿԱՆ ԱՄՍԱԹԵՐԹ

ԱՌԱՋՆՈՐԴԻ ԽՕՍՔ



ՈՒՍՈՒՑՈՒՄ ԾՇՄԱՐԻՏ ՀԱԻԱՏՔԻ

Պօղոս առաքելալ իր անմիջական գործակիցին՝ Տիտոսին ուղղած առաջին նամակին յատկապես 2-րդ գլխուն մէջ կը յորդորէ հաւատացեալները և քրիստոնէական գիտակից վարք և հաւատքի առողջ ուսուցում կը պահանջէ: Ան իր խօսքը հիմնական չորս հասցէներու կ'ուղղէ.-

ա) Տարեցներուն, այսինքն՝ հասուն մարդոց, անոնք որոնք կեանքի փորձառութիւնը ունին և օրինակ կրնան դառնալ իրենց նմաններուն, որպէսզի անոնք հաւատքի ճշմարիտ կեանքի ճանապարհէն չշեղին և յատկապէս Աստուծորդիին՝ մեր Փրկչին բացած լուսաւոր ճանապարհէն քալեն: Տարեցները անոնք են, որոնք գիտակցութիւնը ունին ճշմարտութեան՝ ըլլալու **ԶԳԱՍՏ**, աւելի **ՊԱՐԿԵՇՏ** և **ԶՈՒՍՊ**. բառեր, որոնք իսկական ու ճշմարիտ նկարագիրը կը կերտեն մարդուն մէջ. մարդը՝ բառին լայն ու ամբողջական իմաստով:

Այսօր աշխարհը այնքան փոխուած է, որ մարդը տարօրինակ ձևով և դիրքին կերպով կը տարուի, կը շեղի իր իսկական կոչումէն և կը դառնայ անպարկեշտ, անզուսպ, որկրամոլ ու մանաւանդ փառամոլ: Այո՛, այսօր կը տեսնենք, որ մարդիկ իրար նկատմամբ աւելի ռիսակալ կը դառնան յաճախ, թշնամանքով կը վերաբերին և խաբերայութեամբ ու շահամոլութեամբ կը մօտենան իրարու: Մարդիկ երբեմն «փառք ու պատիւ» շլացած կը դառնան աթոռամոլներ՝ իրենք զիրենք գերադաս յամարելով:

Առաքելալը տարեցներուն կը թելադրէ տիպար օրինակ հանդիսանալ ո՛չ թէ չարին, չարութեան և անպարկեշտութեան, այլ՝ հաւատքի, սիրոյ, համբերութեան և մանաւանդ՝

ժուժկալութեան: Այսպիսի նկարագրային գիծերով ու առաքինութիւններով լեցուն մարդն է որ կ'ապրի աւելի խաղաղ և երջանիկ կեանք: Այո՛, այն ատեն է որ աշխարհը կը խաղաղի և մարդիկ կ'ապրին աւելի սիրով ու ժուժկալ:

բ) Չափահաս կանանց՝ ըլլալու **ԶԳԱՍՏ**, **ՄԱՔՐԱԿԵՆՑԱՂ** և **ԲԱՐԵԽՐԱՏ**: Նման նկարագրային գիծերով ինքզինք դրսևորեց ու մանաւանդ իր կեանքի օրինակով ներշնչման աղբիւր հանդիսացաւ **Տիրամայրը՝ Ս. Կոյս Մարիամը, Ս. Աստուածածինը, Աստուածամայրը**: Ան եղաւ օրինակը բոլոր կանանց մէջ՝ իր անարատութեամբ, սրբութեամբ և բարեխրատ խօսքերով: Դարձաւ տիպարը մայրութեան և իր օրինակով սորվեցուց, ինչպէս առաքելալը կը թելադրէ, որ հասուն կանայք օրինակ հանդիսանան մանկահասակ կանանց՝ ըլլալու **ՀԱՄԵՍ, ԱՆԲԻԾ, ԱՆԱՐԱՏ, ՏՆԱՇԷՆ և ԲԱՐԻ**: Այսպիսի կանայք կը դառնան իսկական սիւները իրենց ընտանիքին և գիտակից ու ճշմարիտ մայրերը իրենց սիրասուն զաւակներուն:

գ) Երիտասարդներուն՝ ըլլալու **ԶՈՒՍՊ**: Յատկապէս կը թելադրէ իր անձով բարի գործերու օրինակ ըլլալ և իր ճշմարիտ ուսուցումներով օրինակը տալ **ԶԳԱՍՏՈՒԹԵԱՆ, ԱՆԿԵՂԾՈՒԹԵԱՆ, ՄԱՔՐՈՒՐՈՒԹԵԱՆ և ՊԱՐԿԵՇՏՈՒԹԵԱՆ**: Այս պատգամը այսօր որևէ ժամանակէ աւելի այժմեական է և բնականաբար պէտք է ուղղել երիտասարդութեան. այն երիտասարդութեան, որ երբեմն շեղումներու մէջ է, կը մոլորի իր իսկական ճանապարհէն, փորձութիւններու կ'ենթարկուի և չարը կը սկսի տիրապետել անոնց բոլոր արարքներուն և յատկապէս կեանքին:

Այսօր, որքան ազգեր ու ժողովուրդներ պէտք ունին պարկեշտ, զգաստ ու բարոյապէս մաքուր երիտասարդներու՝ առողջ ըլլալու, ապահով զգալու, ազգի ապագան ամուր հիմերու վրայ դնելու և վաղուան գիտակից սերունդները ապահովելու համար:

դ) Ծառաներուն՝ ըլլալու **ՀՆԱԶԱՆԴ և ՀԱԻԱՏԱՐԻՄ** իրենց տէրերուն, ամէն ձևով գոհ պահելու զանոնք: Անկասկած մենք բոլորս ծառաներն ենք Աստուծոյ: Բնական կերպով պէտք է գոհունակ պահենք զԱստուած մեր արարքներով ու վերաբերմունքով: Եթէ հաւատարմօրէն կը գործադրենք աստուածային պատուիրաններն ու հրահանգները, այն ատեն կը դառնանք իսկական ծառաները և յոյսի որդիները, ու մանաւանդ՝ արժանի ծառանգելու յաւիտենական կեանքը:

Հետևաբար, մենք ևս այսօր և ընդմիշտ հետամուտ ըլլանք ճշմարիտ հաւատքի ուսմամբ զինուելու և հարստանալու, մանաւանդ ըլլալու **ԶՈՒՍՊ, ԶԳԱՍՏ, ՊԱՐԿԵՇՏ, ՄԱՔՐԱԿԵՆՑԱՂ ու ՀԱԻԱՏԱՐԻՄ** մեր իսկական կոչումին և քրիստոնէական վարքին մէջ:

ԲԱԲԳԷՆ ԱՐՔԵՊԻՍԿՈՊՈՍ



ՎԵՐԱՓՈԽՈՒՄՆ Ս. ԱՍՏՈՒԱԾԱԾՆԻ



Վերափոխումը Ս. Կոյս Մարիամ Աստուածածնայ երկրէն երկինք փոխադրուելու յիշատակն է:

Վերափոխումը Հայաստանեայց Առաքելական Եկեղեցոյ հինգ տաղաւար տօներէն չորրորդն է, որ կը հանդիպի Օգոստոս 15-ի մերձակայ Կիրակին:

Այս տօնը Ս. Աստուածածնի նուիրում տօներէն գլխաւորն է ու հնագոյնը:

Համաձայն եկեղեցական աղբիւրներու, մեր Տիրոջ և Փրկչին Յիսուս Քրիստոսի խաչելութենէն ետք, Ս. Կոյս Աստուածածին 15 տարի ապրեցաւ Երուսաղէմի մէջ, Յովհաննէս Առաքելի խնամքի տակ. անոր երեցաւ Տիրոջ հրեշտակը և հաղորդեց մարմնով երկինք փոխադրուելու ատիար:

Այդ գիշեր, Տիրամայրը ւսանդեց իր հոգին. առաքելները անոր մարմինը մեծ հանդիսութեամբ ամփոփեցին Գեթսեմանիի ձորակին մէջ: Յուդարկաւորութեան ներկայ չէր Ս. Բարթողիմէոս առաքելաւ: Աւելի ուշ հասնելով, Ս. Բարթողիմէոս խնդրեց բանալ շիրիմը, որպէսզի վերջին անգամ տեսնէ Տիրամայրը: Երբ բացին գերեզմանը, զայն պարապ գտան և հասկցան, որ ան փոխադրուած է երկինք՝ իր Միածին Որդիին քով:

Աւանդութեան համաձայն, Ս. Բարթողիմէոս առաքելին տրուեցաւ Աստուածամօր կենդանապատկերը, զոր Ս. Կոյսը յետ օրհնութեան յանձնած էր Յովհաննէս ատարանիչին:

Հայկական գրոյցներու համաձայն, Ս. Բարթողիմէոս առաքելաւ զայն Հայաստան բերաւ և գետեղեց Անձնացեաց գաւառի Դարբնաց քար կոչուած տեղը:

Սուրբ Աստուածածնայ Վերափոխման տօնին կը կատարուի խաղողօրհնէք, որուն ընթացքին կը կարդացուի Ս. Ներսէս Շնորհալիի աղօթքը և կը խնդրուի Աստուծոյ օրհնութիւնը: Խաղողը իբրև տարուան առաջին բերք՝ կը խորհրդանշէ ամբողջ տարուան բերքը:

ՇԱՐԱԿԱՆ

ՍՈՒՐԲ ԱՍՏՈՒԱԾԱԾՆԻ ՎԵՐԱՓՈԽՄԱՆ

ՕՐՀ. ԴՁ

Այսօր տեսան Սուրբ Կոյսին օդին մէջ թռչիլը և ամպեղէն կառքով երկինք համբարնալը և երկնային խորաններու մէջ մտնելը իմաստուն կոյսերուն հետ. և անոնք միաձայն կ'ըսէին՝ օրհնեալ ես դուն՝ կիներուն մէջ ամէնօրհնեալ:

Այսօր բազմաչեայ քերովքներուն և վեցթևեան սերովքներուն հետ եօթնաստեղեան խորանները մտնելով տեսար զանազան աթոռներ, զոր Տէրը քեզի համար պատրաստած է. մենք ալ կ'երգենք ըսելով՝ օրհնեալ ես դուն՝ կիներու մէջ ամէնօրհնեալ:

Այսօր Աստուած Բանը, նախամայրը մեղքէն ազատող Կոյս Մայրը երկինք փոխադրեց, աստուածային խորաններուն անպատմելի կեանքին մէջ դասելով զայն. ուստի Սուրբ Եկեղեցին հրճուողական ձայնով նոր օրհնաբանութիւն կ'երգէ քեզի:

Այսօր Տիրամայր Սրբուհի Կոյսը, հրեշտակներու դասերուն միջոցաւ ւսանդեց իր սուրբ հոգին, գերարփիի նըման փայլելով և ահեղ հրեղէններու դասերուն նմանելով. ուստի Սուրբ Եկեղեցին հրճուողական ձայնով նոր օրհնաբանութիւն կ'երգէ քեզի:

Այսօր անմարմին հրեշտակները Աստուածամայր Կոյսին մաքուր մարմինը վեր բարձրացնելով ամփոփեցին տեսանելի զգայութիւններէն գերակայ եղողներուն տեղը՝ անճառելիներուն հաղորդակից ընելով զայն. ուստի Սուրբ Եկեղեցին հրճուողական ձայնով նոր օրհնաբանութիւն կ'երգէ քեզի:



Մեծի Տանն Կիլիկիոյ Կաթողիկոսութեան Դպրեվանքի 90-Ամեակ



«Դպրեվանքը սուրբ վայր մըն է, ուր յանձնատու և տեսչական ունեցող սպասարարներ կը պատրաստուին մեր եկեղեցոյ ու ժողովուրդի ծառայութեան համար:

Մեծի Տանն Կիլիկիոյ Կաթողիկոսութեան Դպրեվանքը վճռական դերակատարութիւն ունի մեր ժողովուրդի պատմութեան այս կարևոր ժամանակամիջոցին ընթացքին, երբ մեր ժողովուրդին կարիքներն ու սպասումները այնքան բազմաթիւ ու այլազան են, թէ Հայրենիքի և թէ Սփիւռքի մէջ»:

Ն.Ս.Օ.Տ.Տ. ԱՐԱՄ Ա. ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈՅ

Մեծի Տանն Կիլիկիոյ Կաթողիկոսութեան Դպրեվանքը կարևոր ներդրում ունի Կիլիկիոյ Կաթողիկոսութեան ծառայական կեանքին ու առաքելութեան բոլոր մարզերէն ներս:

Դպրեվանքէն շրջանաւարտ հարիւրաւոր եկեղեցականներ և աշխարհականներ աշխուժօրէն լծուած են մեր եկեղեցոյ ու մշակոյթի ծառայութեան, թէ Հայաստանի և թէ Սփիւռքի մէջ: Անոնց գործունէութիւնը ինքնին պերճախօս վկայութիւնն է այն առաքելութեան, որուն լծուած է Դպրեվանքը մեր ժողովուրդի կեանքէն ներս:

Դպրեվանքի պատմութիւնը անբաժանելի մասն է մեր ժողովուրդի տարագրութեան պատմութեան:

1915-ի հայ ժողովուրդի ցեղասպանութեան ընթացքին, Կիլիկիոյ Սուրբ Աթոռը ևս վտարանդի ու աստանդական դարձաւ, իր դարաւոր հայրենիքէն: 1930 թուականին, Կաթողիկոսութիւնը վերջնականապէս հաստատուեցաւ Անթիլիաս, Լիբանան: Նոյն տարին, Սահակ Բ. Կաթողիկոս հիմը դրաւ Դպրեվանքին, որ արդարօրէն կը նկատուի Սուրբ Աթոռին «սիրտ»ը և «ողնայար»ը:

Դպրեվանքը կարևոր ներդրում ունեցաւ հայ եկեղեցոյ ծառայական և ուսումնական առաքելութեան, ինչպէս նաև հոգևոր վերագործօնքին մէջ:

Հազարաւոր դպրեվանեցիներ իրենց հոգեմտաւոր կազմաւորումը ստացան Դպրեվանքէն ներս:

Դպրեվանքը պատասխանատուութեան բարձր գիտակցութեամբ քայլ պահեց նոր մարտահրաւրներուն, ժամանակի պահանջներուն և հայ ժողովուրդի աճող կարիքներուն հետ:

Այսօր ևս, աշխարհի տարբեր անկիւններուն մէջ,

հոգևոր և ուսումնական ծով կարիքներ ունինք: Մենք անմիջական կարիքը ունինք եպիսկոպոսներու, կուսակրօն թէ ամուսնացեալ եկեղեցականներու, սարկաւագներու, ինչպէս նաև կրօնի և հայերէն լեզուի ուսուցիչներու: Միայն նուիրեալ և լաւ պատրաստուած ծառայողներ կրնան պատասխանատուութեան գիտակցութեամբ մեր ժողովուրդին դասաւանդել և քարոզել մեր Տիրոջ Յիսուս Քրիստոսի Աւետարանը: Հետևաբար, Դպրեվանքը կոչուած է կարևոր դեր ունենալու հայ եկեղեցոյ կեանքին ու վկայութեան մէջ:

Այս տեսլականով ու հեռանկարով, Ն.Ս.Օ.Տ.Տ. Արամ Ա. Կաթողիկոս յատուկ կարևորութիւն կ'ընծայէ Դպրեվանքի կարիքներուն և անոր բարգաւաճման: Ան ուժգնօրէն կը հաստատէ, թէ Դպրեվանքը առաջնահերթ կը մնայ իրեն համար, և թէ ճիգ պիտի չինսայէ ու իր կարելին ընէ, որ Դպրեվանքը նոր կենսունակութիւն ստանայ և արդիւնալից գործունէութիւն ունենայ:

ԴՊՐԵՎԱՆՔԻ ՔԱՅԼԵՐԳ

Խօսք՝ Թորգոմ Արք. Գուշակեան

Սիրտ ի սիրտ և ձեռն ի ձեռն
Բարձած խաչն ուխտից մեր բեռն,
Ընթանանք յառաջ, եղբարք.
Նահանջելն է գործ անարգ,
Վազենք հոգով ակրնդէտ,
Նպատակի մեր ի կէտ:

Կրօնի հուրն և ազգի սէրն
Զուգեակ իղձեր սերտ և սեռն,
Ներշնչումին մեր հոգւոց.
Թող լինի, ո՛հ, անբիծ բոց,
Երկուքն ի մի անբաժան,
Մեր սրտերուն, սրբարան:

Մայր մեր դու նուիրական,
Եկեղեցիդ հայկական,
Ընդունէ՛ մեր սրտից գոհ.
Զոր քեզ բերենք հոգով գոհ,
Դպրեվանուց այս յարկիս,
Ուխտանուէր մեք որդիքս:



ՈՒՍԱԲՈՐԻՉ



«ԵԿԵՂԵՑԻՆ ՏԱՆ ՄԷՋ»

Գանատայի Հայոց Թեմի Ազգային Առաջնորդարանի
Կրօնական Յայտագիր

Իրաքանչիւր ամիս հետեւեցէք մեր յայտագիրին
ընկերային ցանցերու եւ youtube -ի մեր էջերուն միջոցաւ



Armenian Prelacy of Canada

ՄԱՆԿԱՊԱՏՏԱՆԵԿԱՆ

Այս դրուագը Յիսուսի 5 հաց և 2 ձուկով 5000 մարդ կերակրելու պատմութիւնն է
Գծագրիչը դիտումնաւոր շատ մը սխալներ կատարած է

Քանի՞ սխալ կրնաս գտնել

Ամբողջ պատմութիւնը գիտնալու համար կարդա՛ Յովհաննու 6. 1-15 համարները



Ազգային Առաջնորդարան
Armenian Prelacy of Canada
Prelature Armenienne du Canada



514-856-1200
prelacy@armenianprelacy.ca
www.armenianprelacy.ca



Խմբագիր՝ Քրիստափոր Միքայէլեան
3401 Olivar Asselin
Montreal, Quebec H4J 1L5